



大明宣宗章皇帝實錄

宣德六年秋七月癸亥朔享

大廟遣中官祭司門之神凡者前衛女直指揮
同知阿剌禿廣東文昌縣故土官子林丑等來朝
貢方物

甲子

設漢陽府漢川縣劉家隔巡檢司時湖廣按察司
李素奏劉家隔去漢川縣遠而與雲夢孝感應城
三縣相連土著之民止有九戶而各處客船往來
貿易莊泊者常三五千艘亦有結屋安居去者

慮有逃逝軍民雜于其間或至相聚為盜立巡檢司

上命三司覆勘以為宜故設之巡撫侍郎于謙言山西蒲縣有賊三十餘人行劫商旅巡捕百戶王智遇賊與敵被害請發兵往捕

上勅都督李謙與山西三司官設法捕之

乙丑

昏刻有流星大如鷄彈色赤尾跡有光出右攝提西南行入雲中

丙寅

廣東布政司右叅政楊勉卒勉字宗勗舉進士太宗皇帝選吉士曾榮等二十八人於翰林進學勉預焉後授刑部主事未幾陞郎中治獄明察而斷事上官尚書吳中薦之

太宗陞本部右侍郎勉修儀容善應對既得君即背
中每事不白中徑聞于

上後奉命守山東既還坐放其弟私罪下獄遇赦復職明年命巡撫福建藩憲及郡縣官之貪濁者悉奏黜之民稱快焉既還復以前罪下獄

仁宗皇帝登極遇赦復職後數日有言勉錄以時嘗

教罪人林茂飾詐訴寃勉代書狀遂降山公察改
又有言勉志不莊慮與高煦交通為非者遂改廣
東自是貪濁之行益著勉有幹才而懷市心初為
進士時鄉僧道衍為僧錄司左善世以守城舊勞
承祀遇勉傾心事之未幾賜衍名廣孝授太子少
師勉諂事為父廣孝授太子少師勉諂事為父廣
孝沒躬為服喪士類鄙之 夜有流星大如盃色
赤光燭地起天蒼東北行至濁

丁卯

行在刑部所係囚反獄事聞命錦衣衛執其巡獄

官及司獄吏卒治罪

上諭侍即施禮等曰罪囚繫獄凡獄其輕重各有宜

施嘗聞

太祖皇帝言仁於仁不仁於不仁強盜何足矜憫而
姑息之今之逸如虎逸押人復被害矣此由堂上
官縱死故下人得以生弊推情論法尔亦當罪姑
俾俸治事必俟盜獲而後與俸盜不獲尔罪不免
已已

釋監察御史周安初命往徽州等府督有司采木
金華同知吳洙以採木科歛逮赴浙江道不誣安

受白金百二十兩都察院逮安諭絞罪安道人許
寃且言未嘗至金華

上諭右都御史顧佐等曰御史出外必欲振舉綱紀
而小人不便動誣以贖卿宜與之辨勿致受枉于
是行勘皆如安所云佐以聞

上曰幾枉此人即釋之

上親閱三法司所上繫囚罪狀諭之曰叛逆強盜不
孝人命盜倉糧等重罪不宥其受枉法贖及雜犯
死罪并遷徙流徙悉如永樂中例罰後贖罪力不
能贖者輸作工匠準年限罰笞杖罪俱宥之其追

贖罰鈔久多者行原籍追徵倍罰鈔者十分免追
其七具有覆勘并待對未到見問未完能自服罪
俱准此例若未服罪其情可矜者聽親識保領在
外庶免瘦死是日決遣八百餘人

庚午

命行在戶部給岷府江川廣通陽宗鎮南四王歲祿
各五百石米鈔半兼支迤北寧和王阿魯台使
臣俺克剌等來朝奏願居京自效命為百戶等
官賜冠帶金織襲衣絲弊銀鈔綿布鞍馬有差仍
命有司如例給房屋器物行在戶部奏以川納

米贖罪例先是四川按察司副使朱與言言松潘諸衛山路險遠糧餉難運四川布政司及巡按監察御史王翹復奏會州衛密勒山新開銀場歲用米八千石給礦夫價運不便各請以屬因罪因非文職官吏坐贓及真犯死罪者納米於二處贖罪上命行在戶部議至是請如所奏議以松潘去四川城一千里其米每筭一十五斗杖亦如之徒一年六石每等加一石徒三年及三流皆十石雜犯死事二十石會川去四川城道里倍於松潘其米視松潘則筭杖每一十石二斗徒流減二石雜犯死罪減五石四川行都司近於會川請如松潘之例從之

行在工部尚書吳中奏山東布政司直隸河間府民夫在京工作者皆給糧賞今多逃逸請遣官追至問罪罰工

上曰既與糧賞彼安肯逃爾當深究其弊之源今不必遣官但行文令自來不來罪之未晚

巡撫侍

即曹弘奏兗州府魚臺縣蝗蝻生命行在戶部遣人馳視督捕

辛未

行在兵部尚書許廓及御史給事中劾奏會寧伯

李英不守律法招致逋逃軍民周員兒郭三三等七百六十餘戶分置莊所令其屯田立家人為總管名號以帥之邊人皆畏英不敢言當正英罪上曰英受重爵當守法豈應為此或其家人假英名為之其勿罪英但令都督史昭追所招逋逃軍逃民悉還官

壬申

哈密忠順王卜荅失里遣指揮速來蛮等來朝貢馬

癸酉

上諭行在兵部許廓曰軍職為事舊常調降別衛所者悉令復舊自今有犯悉依永樂中例罰輸作以贖免調 既里河衛女直指揮僉事弗魯忽禿四川保縣番僧刺麻南甲八等來朝貢馬及方物賜達官侯伯等草場先是都指揮也先帖木兒奏在京居久所給牛馬未有牧地

上命行在戶部遣官行視順天府屬縣有空閑地非民耕種者給之至是戶部言三河等縣地多空曠遂定撥候四百畝伯三百畝都督二百五十畝都指揮二百畝指揮一百五十畝千戶衛鎮撫一百

二十畝百戶所鎮撫一百畝 成國公朱勇奏在
京衛所武官子弟先皆操練其後多以襲職視事
然亦有多餘不視事者請仍操練從之 行在兵
部尚書許廓言^此奉命同各營視總兵成國公朱
勇等閱視五府屬衛并金吾左衛等旗軍其間強
壯精銳者少老疾罷弱者多又多有殘疾仍作正
伍支糧及在營有丁無錢不准更替原籍有丁不
為行勾甚至賄求在閑及私役於家以避征差者
其弊不可殫舉又言京衛軍士丁口無籍可稽須
從新勘實籍著丁數送部其老弱殘疾者驗實令

壯丁代在營無壯丁者原籍勾代果戶絕無丁保
勘三次皆同者循例除豁

上曰軍伍不實限衛所官兩月內清理俱要精銳者
充役編丁口籍令五府等官同御史給事中各二
人理其事令侍郎王驥總督代替者並須驗籍勾
補者限十月覆勘者限一年仍不實及稽^緩者皆
罪之 巡撫侍郎曹弘奏淮安府海州沒官牛一
百六十九頭與民佃賃納租米每歲水牛一頭五
石黃牛三石五斗年久牛死者一百三十四頭納
米未已乞除豁從之 監察御史吳芳劄卷懷來

衛受白金二十兩隨行監生十人受三十兩及衣服等物指揮馬壇等發其事

上諭都御史顧佐等曰朕嘗言御史以法治人先當自治自身違法何以治人悉治之如律

甲戌

迤北和寧王阿魯台遣使臣福受及答刺罕賽亦的等來朝貢馬 昏刺榮感犯房北第二星

乙亥

海西阮里沙等衛頭目答安出等來朝貢馬
賜兀者前衛女直指揮同知呵刺禿等七十四人廣

東文昌縣故土官子林丑等鈔絲幣表裏襲衣有差 宥孟英陳濬謝鳳寧懋等充為事官瑛當襲父保定侯爵坐弟賢逆謀奪爵謫雲南濬右軍都督僉事鳳湖廣都指揮同知徙守交趾懋南寧衛指揮使坐事謫戍交趾皆坐預王通謀法司諫濬等當誅

上念瑛舊勞濬鳳懋頗有才幹亦非通所親厚者特皆宥之命元為事官令瑛鳳往宣府听總兵官譚廣調濬懋往獨石城聽副總兵方政調

丙子

以明日中元節遣衛王瞻埏祭

長陵

獻陵 總兵官都督陳懷奏番蠻出沒劫掠而官軍
數少成都三護衛官軍見操二千五百人請調領
勅捕行在兵部言成都中右二衛護蜀王歸之朝
廷已遣都督王或侍郎王驥起取今陳懷調請官
軍宜於所存成都左護衛內選調若更不敷令懷
于附近松潘等衛所量調從之

于且

巡按山東監察御史張政奏開原備禦都指揮鄒

溶私役軍士及聽納粟買閒約及百人請治其罪
上謂右都御史顧佐曰溶雖可罪然善處多今邊將
艱難其宥之但移文令改過勿再犯

已卯

命署陝西行都司都指揮僉事呂昇掌肅州衛

迨北和寧王使臣阿力打刺罕等四人來朝貢
奏願居京自效命為副千戶等官賜冠帶金織襲
衣綵幣銀鈔綿布鞍馬有差仍命有司給房屋器
皿如例

命行在戶部以順天府寶坻縣荒田四百頃賜清平

侯吳成徒成所奏也。行在工部奏各處遊匠起發武功左右二衛充軍匠多有到衛即逃蓋是所管官不善撫恤居止未定即令服役今後宜令寬卹使有定^居然後赴工

上曰今後初至皆優容一月俟居止定然後俱役著為令

辛巳

陞禮科給事中李錫為行在通政司叅議

命都指揮施取往遼東操備四川布政司左叅議

彭謙言四川成都前等衛雅州等千戶所旗軍自

洪武間從軍子孫多有不知鄉貫者示有原籍無戶名者今但正軍餘丁一二人^餘在營其老幼有五七人至二三十人者各置田庄散處他所軍民糧差俱不應辦乞行四川都司及撫民官勘實就令各於所在有司附籍辦納糧差听繼軍役庶丁糧增益版籍清明從之

壬午

遣錦衣衛指揮王息等賫勅諭福餘朵顏泰寧三衛指揮使安出互都猛古乃等聽其來朝及來往市場但嚴勅部屬恪遵法度毋輒侵犯邊境仍賜

安出等綵緋表裏 雲南武定軍民府把事張海
并聽襲女土官薩本四川馬湖府沐川長官司把
事夷朝宗等來朝貢馬及方物 賜哈密忠順王
使臣速來等綵帶表裏有差 童寬山衛女直
指揮同知失令等以奏事至賜綵幣及絹
賜迤北和寧王貢使宴 行在兵部尚書許廓言
仁宗皇帝諭三法司有為事充軍未到衛所者循詔
書例放免其後本部奏自永樂十七年前以後者從
赦例十八年以前者仍從軍其赦免者俱不赴京供
報其實致不應免者亦多倣倣潛回軍衛有司無

從稽考嘗奏請遣官嚴行所屬督發赴京
皇上寬仁今應免者量地遠近自來聽理除其兵籍
其不應放免就發原衛今各處有依限自至者既
審實放遣而限外不至者尚二千五百餘人請再
行所司官委督捕械送京師
上曰宥免軍役出
皇考深恩其二千五百人未必忘恩但是道遠或貧
乏有或死亡者可立程限令赴京更違限者罪之
行在兵部奏總兵官都督譚廣言宣府諸驛皆軍
衛給馬軍務奏報日繁而馬不足且驛中鋪陳什

物行糧廩給亦多未具請增設馬驛及措置鋪陳等物今緣口外豐谷驛至開平五驛止通一路以環州等驛擺站軍士遞送宜量給馬驛若豐峪至雲川四驛屬隆慶衛軍遞送宜分所有馬驛給之岔道榆林等驛欲增設馬驛請行太僕寺于寄養官驛及餘剩馬內給之擺站旗軍就萬全山西二都司附近衛所量發鋪陳行糧廩給行山西布政司量給為便

上從其言 太僕寺奏應天府州縣原編養驛并新增人丁七十二萬四千七百四十一丁每五丁例養

馬一匹而馬牝牡配合各有數今牡馬領養數足而牝馬尚欠宣德五年孳生又增牝駒一萬餘匹無人牧養亦有年終未勘起送者請給直隸徐州及宿州民丁牧馬聽候取用從之 常州府知府莫愚奏宜興舊額歲進茶葉一百斤後增至五百斤近年採辦增至二十九萬餘斤除納外欠九萬七千斤乞以所欠茶分派產茶州縣均辦且定每歲所進茶例免差官督責

上諭行在戶部曰不意茶之害民如此所欠者悉免追今後歲辦于二十九萬斤減半徵納一委有司

提督朝廷勿復遣人

癸未

賜阮里河衛女直指揮僉事弗魯忽禿等四川保縣
番僧刺麻南甲八等鈔綵幣絹布有差 大興縣
民張三驢以役事斂里人陳售顯財物相毆提曳
售顯母抱未晬幼男奔救失足跌仆地傷幼男首
死遂告三驢擊殺之三驢不能自明行在刑部論
絞罪讞之

上曰嬰兒在懷抱非與人鬪者安得擊殺之宜復覈
之刑部逮其親隣及旁見者皆曰實跌傷死非擊

傷也乃論售顯誣人死罪未決當流三驢科斂取
財當徒

上諭侍郎樊敏等曰尔等職司刑罰而徃徃輕率如
此下人受枉必多矣朕益慚見卿等寧自慚乎敏
等皆頓首 登州府奏宣德元年遣庫子運綿布
五千疋赴遼東至鐵山海風壞舟布皆沉區官責
庫子償貧無措辦

上謂行在戶部曰海風壞舟豈人力所能制果有証
驗悉免償 常州府民陳浚奏臣兄弟三人長兄
濟永樂中左春坊右贊善次兄洽兵部尚書母唐

氏封太夫人年八十二而二兄俱没于官臣幸得朝夕奉母以今賢良舉至吏部乞賜免歸侍母終身

上顧尚書郭璉曰洽死王事濟事

先帝亦博學今浚又以賢良舉非賢母無此三子其免浚歸養母他日用之未晚 夜有流星大如盃色赤尾跡有光起天園東行至游氣

甲申

刻有流星大如盃色青白尾跡有光起東北行至西北游氣 昏刻有流星大如盃色跡尾有光出

箕南行入雲中

乙酉

復大興左衛都指揮僉事劉聚官初聚守備遼東廣寧衛虜入境殺官軍三人聚坐不覺當死謫充軍立切

上念其舊勞宥使復職專哨備仍罰俸三年 總兵官左都督譚廣奏比者副總兵都督僉事方政言龍門縣及李家庄地當衝要宜於故龍門縣立一衛李家庄堡立一千戶所修築城池并煙墩一十五座分軍屯守命覆勘之政所言實便利從之

丙戌

四川長河西魚通寧遠等處國師朶兒只監繫遣
刺麻温卜卓思吉四川昌州長官司長官阿壽遣
把事業白等來朝貢馬

丁亥

亦馬白山等衛指揮僉事兀朮來朝及貢方物
賜迤北和寧王阿魯台使臣答罕賽亦的等綵幣絹
布有差仍遣都指揮僉事曹者亦帖木兒等^賚勅
綵幣往賜阿魯台等與之偕行

勅總兵官都督譚廣以農隙築故龍門縣及李家城

堡設立烟墩其力作及防護官軍於萬全都司及

山西都司調用設龍門衛于龍門縣以西山護衛

官軍調在大同宣府者各一千往守之設龍門守

禦千戶所於李家莊以山西護衛官軍在寧化千

戶所者五百七十五人代州振武衛者因發五百

人往守之今省遼東有罪官以失機當死者宥其

死降充軍於極邊戍守至是

上念其久困勅總兵都督巫凱自宣德四年以後犯
者皆宥之復原職後仍令專哨備再犯處死

戊子

雲南木邦軍民宣慰司土官宣慰使罕法門等遣
頭目刀葉放等貢象馬金銀器皿方物

賜海西阮里沙等衛頭目谷安出等絲帶表裏有差
行在兵部奏武官幼男優給及老疾官員無人
承替應與全俸優養者多願於南京及原衛原籍
閩支

上曰老安少懷宜從其便不拘此例直隸廣平府
鵝澤縣奏縣民逃者三百一十六戶未復業糧草
無徵

上命免之

巳丑

雲南鎮南巡檢司故土官巡檢子楊平等來朝貢
馬

上諭行在吏部曰新駙馬數人俱年少宜令習詩書
知禮義可如駙馬井源例俱與教官一員於是駙
馬李銘焦敬王誼各除學錄一員

命故府軍左衛指揮使袁琮弟瓚通州衛指揮使許
旻子安濟寧衛指揮使事張榮子貴俱襲羽林五
衛指揮使事傳翰老疾命其子傳榮代之順天
府丞薊二州良鄉永清二縣霸州大城文安保定

三縣直隸河間府靜海獻二縣真定府定州及曲陽縣保定府定興新城二縣大名府開州長垣縣各奏今年六月以來久雨潦水滄役禾稼直隸揚州府興化縣奏貧民二千四百八十三戶歲儉乏食已借給官倉米三千七百三石八斗賑之俟豐熟償官徐州碭山四州嘉定州捷為縣亦奏民缺食皆于官倉給賑賑濟

庚寅

行在右軍都督府奏廣西全州千戶所百戶黃玉往象州哨驍遇獍人二執送千戶朱寧玉又遇獍

人執其一因激憂獍獍射傷官軍十數人玉遂還其所執寧仍殺前所執二人誣其為寇臨陣殺之以掩已罪

上諭行在都察院臣曰邊將但當防夷使不為寇可也夷本無事而激之為亂天地鬼神豈可欺乎令巡按御史鞠治之行在禮部言潘府長史司呈本國見有表祀稽于經有表者不祭社稷山川等神宜令停祭從之直隸揚州府興化縣徐州蕭碭山二縣各奏本年五月中至六月積雨水漲淹沒田稼

壬辰

福餘衛頭目咬納等貢駝馬

大明宣宗章皇帝實錄

大明宣宗章皇帝實錄

宣德六年八月癸巳朔

上諭奉天

殿

諭都御史顧佐等曰

各處

考察

官員本

欲分別賢否使人有所激勸近日累有奏陳或言

奸民振拾其罪或言御史及方面官以好惡為去

留紛紛不已朕惟矯詐者固多枉誣者亦未必無

卿等其以朕意戒防之去取務合至公今後有徇

私偏聽以枉為直以賢為不肖者必罪不宥

巡撫侍郎于謙奏今年七月黃河暴溢滄沒河南

開封府所屬祥符中牟楊武通許滎澤尉氏原武

陳留八縣民居田稼

甲午

命武定侯郭炫兵科都給事中文郁為正副使持節
冊北城兵馬付指揮蔡祥女為鉅野王妃 遼東
哥吉河等衛指揮僉事本列忽等^來朝貢馬匹及方
物

乙未

泰寧等衛都督脫火赤遣指揮同知安忽等^來朝
貢馬駝

命給事中儲懋車遜掌吏科卜禎楊盛掌戶科虞祥

劉海掌禮科陳瑞楊鼎掌兵科調吏科給事中年
富賈銓掌刑科李倜龔全安掌工科

上以六科近侍職在駁正奏牘閔防諸司掌科事者
必須得人命吏部俱錄其名以進

上躬自審條得懋等十二人每科以二人掌之 擢

山東益都縣丞何恭湖廣祁陽縣儒學教諭馮履
山東清平縣學訓導湖廣清江縣學教諭朱
良武寧縣學訓導徐觀為行在給事中恭吏科履
清禮科現刑科良工科

勅行在都察院付都御史賈諒等曰比者刑部官尸

位曠官率意出入人罪情重者苟免無罪者含冤
又綱紀不立不能繩下致強盜越獄逃逸罪已不
容爾等所理刑名宜加詳審務盡至公使法當其
罪而人無冤乃副朕意時諒等按事江西故以是
^謝城之 迤北來歸鞞言和寧王阿魯台為瓦剌
脫歡迫逐又聞中國將發兵征之倉惶無措

上謂侍臣曰乘人之危而擊豈仁義之師遂遣勅諭
阿魯台曰聞王困於瓦剌避之南來朕深矜惻而
諸將有奏請發兵巡邊者朕慮王部屬驚疑已卻
不聽乃聞有人為王言朝廷將發兵乘王之弊此

殘邪之言決勿信之朕體天心以御天下豈忍利
人之灾困人之危厄矧王自朕嗣位以來一心歸順
遣使朝貢接踵于途今當厄難之際宜相救援豈
有相害之理特遣都指揮昌英等再往諭意王其
寧心靜志安居邊塞無聽間言自生疑貳朕之此
心皎如天日王其亮之 楚王孟烷奏民間失火
延及後宮凡譜系勅符底簿皆毀

上遣書慰問命侍臣再錄譜系及勅符底簿遣人送

王府

丙申

察刺秃河衛頭目者英哥等來朝貢馬駝方物
雲南按察司奏廣益州土官知州阿都魯等赴任
過限依律應罪

上曰待遠人當畧細故故罷不問

丁酉

遣少傅兵部尚書兼華蓋殿大學士楊士奇釋奠
先師孔子行在禮部奏工部造交趾雲南生夏
衣完請賜之

上曰秋已及半夏衣何用有司不得人類如此今後
必須及時給賜違者罪之直隸徐州沛縣順天

府東安縣河間府青縣真定府新樂縣各奏今年
六月天雨不止河水泛溢淹沒禾稼

戊戌

祭

太社

太稷

賜四川長河西通寧遠等處刺麻温卜卓思吉昌州
長官司把事業白芩馬湖府沐川長官司把事業
朝宗雲南武定軍民府女土官薩本把事業張海等
綵幣表裏有差夜有流星大如雞卵色赤有光

出旗左西行至濁

已亥

建州左衛指揮僉事卜顏禿兀列河衛指揮僉事
阿里哥塔山衛指揮僉事打隆加芽來朝貢方物
賜遼東亦馬忽山等衛女直指僉事木力兀等四
十八人綵幣絹布有差 巡撫侍郎吳政言湖廣
瀏陽廣濟等縣洪武中開堰塘積水以備乾旱近
歲堤岸損壞不能蓄水凡遇亢旱田稼損傷乞勅
工部移文請驟于秋成後發民修築及天下堰塘
損壞於塞者俱令以時修治

上命行在工部令天下有司悉遵洪武舊制於農隙
時發軍民協力修浚惰慢者罪之 常州府知府
莫愚奏守令親民之官而黜陟臧否出自朝廷適
時公差官倚勢作威假公營私或失于迎送或供
送未備稍忤其意輒加鞭笞或聽信小人以廉謹
者為貪汙以誤佞者為正直賢否不辨是非倒置
乞加禁止凡守令及佐貳官果貪虐老疾則起送
吏部果廉正有為秩滿赴部考覈稱職則賜勅書
以褒之庶善有所勸惡有所懲

上命吏部凡公差官凌辱有司者許指名陳奏其言

褒寵廉能者當考察其實然後行之

庚子

海西兀里奚等衛指揮僉事孛羅哥等來朝貢馬
方物

辛丑

亦馬剌衛指揮僉事穩察撒剌兒衛指揮僉事歹
羊加也速兒衛指揮僉事伯思罕等來朝貢方物
行在刑部奏遼東百戶張富程紀初從指揮皇甫
斌巡撫猝遇寇圍斌而張富等皆走匿不救于律

應斬

上曰姑宥其死皆杖一百略充軍俾立功如再失机
必斬不貸因諭刑部臣曰古人有用敗將而成功
者皆

皇祖亦為朕言使功不若使過今姑宥之

壬寅

疏濬沁舊河時巡按監察御史章聰言真定府濬
沁河淤塞比山水泛濫又衝壞河岸及軍民廬舍
舊有護城河堤亦被衝決宜令修築

上命行在工部發附近軍民為之

癸卯

起復楚府長史司左長史方祖安還任令便道之
官從楚王孟煥奏也 免直隸廣平府肥鄉縣逃
民一千二百一十八戶稅糧絹綿花及戶口食鹽
鈔成國公朱勇言諸衛幼官舍人操練者滋多宜
選老成二十人督之務使精練武藝庶得實用從
之 行在兵部奏會同館廳堂房舍四百三十餘
間歲久損壞宜加修葺

上謂工部尚書吳中曰四方朝使所集之處不可不
治俟秋收畢即為之

甲辰

四川威州故土官孫董山雲南定遠縣耆民劉保
等來朝貢馬 江西按察司副使使石璞奏冬至正

旦行慶賀禮本處文武官員先于上監寺習儀行
禮總軍寧府長史劉堅審理正沃能奉祠正盛祥
等不容各官退班釋服就令習賀寧王禮其萬壽
金牌儀仗俱不動令典儀宋安等唱班行九拜禮
又今年五月初一日典儀所移文到司以賀寧王
千秋節令各官具服前期赴銑柱宮習儀臣切惟
禮有定分尊無二上其寧府長史審理等官未知
何據輒令文武官一體習賀儀沃能盛祥官止六

品八品出入俱用藤棍竹篋前引有違禮制乞并罪之

上謂行在禮部曰寧王老成人未必不詳典禮但官屬過分耳可稽考王府舊行禮儀申明其制汝能等僭分越禮令長史司遣赴京天津右衛倉司使紀奉奏北城外軍家失火飛焰入城燒三千餘家延及倉廩焚糧七萬一千石有奇焦灼不堪用者一萬五千五百石有奇今法司追問令臣等陪納緣火起有因陪補實難

上命都察院遣人勘實以聞

乙巳

海南衛千戶俞華奏隨指揮黃瑀捕崖州黎寇瑀令臣領兵先擣賊巢瑀後為維要約已定出路險阻賊依險設伏臣率兵徑進被賊衝突傷官軍二十六人臣力戰乃得退兵而瑀竟不應援反以挫翊歸罪於臣臣復率兵擊賊殺獲二百餘人今賊已平而巡按廣東御史仍以瑀言欲問臣罪實瑀誣臣

上謂都御史顧佐等曰古語善用兵如率然謂首尾相應蓋同力一心則功可成今前後不相應固自

取敗之道宜令御史與之明辨務盡至公直隸
保定府祁州及清苑安肅滿城博野蠡五縣各奏
六七月雨多河水泛濫淹沒田苗

丙午

初行在後軍都督府奏萬全都司近邊糧餉為重
請如雲南諸衛令罪囚納米贖罪

上命三法司與戶部議今後萬全都司及屬衛所問
罪囚除真犯外其文職官吏犯賊者皆如律若非
犯贓其輕重罪囚有力納米者以近就近運赴獨
石等衛倉納完俱如運軌例各還職役死罪十二

石流罪十石徒罪八石杖五石笞三石宣府隆慶
永寧懷來開平保安諸衛興和千戶所有犯運赴
獨石倉懷安萬全保安右衛美峪廣昌千戶所有
犯運赴宣府倉從之 行在兵部尚書許廓奏四
川成都府雜穀安撫司土官安撫曩甲謀殺魯思
麻寨首拔蓬強據其地

上命總兵官都督陳懷四川三司各委官撫諭令還
其土地如不服相撓勅之

丁未

命都督指揮僉事李謙等督諸衛幼官及舍人操練

行在兵部尚書許廓奏湖廣三司言五關黎平古
州長官司羅呈諸寨苗蠻為亂攻擊傍近諸寨焚
廬舍殺人掠財請調兵勦之

上曰姑緩發兵令都督蕭授及貴州湖廣三司撫諭
之順服則已不服則調兵勦捕 行在刑部右侍
郎蔣勉奏本姓白父景中幼失父母育成于祖姑
之夫蔣宗因從其姓今請復姓白從之

戊申

蘓明谷刺國王寧奴里呵必遣使臣都者看等卜
忽禿河等衛指揮僉事忽失木等來朝貢馬及方

物 夜有流星大如鷄彈色赤尾跡有光起天津

東北行至天梧

巳酉

遣官祭歷代帝王

庚戌

祭太歲風雲雷雨嶽鎮海瀆山川等神遣官祭旗

毒藥神

賜雲南木邦宣慰司頭目刀葉放等三百二人鈔幣
表裏襲衣有差 鎮守洮州衛都指揮司使李達
奏今修孔子廟材木瓦甃皆備惟少油鉄膠再乞

行陝西布政司官庫支給

上謂尚書吳中曰武將興學使其下人皆知遵禮孔子而務忠孝亦可喜之事其悉從之
夜月掩昂
辛亥

琉球國中山王尚巴志遣使者由南結制等奉表
貢馬及方物

賜雲南鎮南巡檢司故土官之子楊平等鈔有差
上諭行在工部尚書吳中曰開平哨備及緣邊守瞭
軍士艱難宜給皮裘狐帽鞋袴禦寒卿早為計度
遣官運往給之
山西潞州屯留縣奏民因缺食

逃徙田地荒蕪稅糧馬草無從追徵命戶部除豁
壬子

宥湖廣都指揮同知黃榮等罪初湖廣金沙州商
筏大延燬城樓及楚王後宮諸司衙門并居民二
千六百餘家巡按御史奏榮等不用心撲滅請罪
之

上曰水火猝發豈人力所能禦不問

癸酉

賜華陽王悅耀庶長子名友輝次子友璧以九年任
滿陞行在翰林院編修朱孔暘為左春坊左中允

刑部郎中祝同為河南布政司左叅議行在廣西
道監察御史周英為福建按察司僉事河南按察
使陳禮親喪服闋調廣東按察使復王彬太醫院
判陞正五品祿徐彥麟潯州府平南縣知縣陞從
六品祿彥麟任滿當遷以其民奏留故有是命以
不勝任黜監察御史符節為饒州府餘干縣知縣
呂珪為順德府任縣知縣以姦利事黜監察御史
尹崇高為寧國府推官

賜哥吉河等衛女直指揮僉事木列忽等三百三十
五人表寧等衛指揮同知安忽等六十七人綵幣

絹布有差福建衛頭目咬納等五人自兀良哈
招諭還賜之綵幣表裏行在右軍都督僉事郭
志奏臣父義洪武間為千戶以征討功累陞今賜
爵安陽侯臣亦以征進功得官比者邁疾蒙恩就
聞今臣疾愈深惟父子蒙朝廷大恩願任事以畜
補報

上謂兵部尚書許廓曰志疾初愈未可遽勞姑令將
息以俟

甲寅

命故勇士指揮使童良弼子玉襲職仍於羽林前衛

帶俸韃官泰寧衛都指揮僉事阿者罕子脫火赤襲職陞指揮同知阿魯忽里為指揮使增置廣西貴縣辛安寨巡檢司土官付巡檢一員順天府豐潤縣順德府鉅鹿縣保定府慶都新安高陽三縣河間府河縣間各奏夏末積雨決旬河水泛溢滄沒田禾

乙卯

靖江王府輔國將軍贊儲卒遣官賜祭命有司治墓事亦赤把里歪思王遣使臣滿刺呵力等各貢駝馬方物滿刺呵力別自貢玉石及駝其所部

頭目賽打力等各貢馬以招諭功命福餘衛頭目咬納扯里台為指揮同知萬佳乞里加哈乃刺哈為指揮僉事泰寧衛頭目克里台為指揮僉事丙辰

貴州安順州土官同知阿寵遣把事楊保等來朝貢馬及方物

賜琉球蘇門答刺二國及兀良哈等處貢使宴

行在兵部奏雲南大侯知州刁奉漢強奪景東府土官知府陶瓚所管孟緬之地又孟定府土官知府罕願法與孟連長官司刁煥罕互侵土地殺人

掠財劫總兵官黔國公沐晟及雲南三司會議
遣官諭以福俾各歸所侵掠安分守戢勿貽後
悔

丁巳

賜建州左衛指揮僉事卜顏禿兀列河衛指揮僉事
阿里哥答山衛指揮僉事打隆加亦馬刺衛指揮
僉事隱察撒刺兒衛指揮僉事反羊加也速兒衛
指揮僉事伯思罕察刺禿河衛頭目者英哥等絲
幣絹布有差以雲南騰衝守禦千戶所隸雲南
都指揮使司永樂中析其地置南甸州宣德初又析

置騰衝州俱隸雲南布政使司獨騰衝守禦千戶
所屬金齒軍民指揮使司每有緩急二州徑達布
政司而千戶所必由金齒始達都司往復旬餘事
多違誤至是奏乞屬都司為便從之

浙江右叅議彭影奏台州黃岩縣所屬太平等十
二鄉一百六十四里山多地廣每遇徵收稅租民
多逃避宜於太平鄉添設一縣又杭州府知府馬
儀奏海寧縣計三百三十餘里民依山傍海離縣
遠者或二百餘里莫肯奉公宜于本縣黃岡市添
設一縣

上謂行在吏部曰今民不加多稅賦仍舊添設縣即
多設官皆用民供給是民未獲利而先受害矣勿
听

戊午

趙王高燧薨王

太宗皇帝第三子母

仁壽皇后永樂二年封趙王命居守北京洪熙元年
四月之國彰德王寡學問好事武初守北京時命
有司政務悉啟王而后行而邪說左道之人多見
進用永樂七年

太宗皇帝初巡狩至北京聞其過失震怒誅長史顧
晟盡執其所用小人禿王冠帶不許入侍賴
仁宗皇帝力為救解乃復冠帶聽入侍選國子司業
趙季通董子莊為長史二人同心匡輔朝夕左右
講論載籍王亦易心聽納務循理法惇行孝敬且
事

仁宗皇帝甚謹將之國力辭二護衛自是奉藩甚恭
而重賢禮士未嘗有過高煦之叛也其黨有誣王
與謀者

上不聽高煦既就執又有進言于

上請遂移兵併擒趙王者

上侍王益厚賜賚稠疊初間王得風疾遣中官及御醫馳傳往視又加重賚至是薨

上聞訃悼慟輟朝視三日遣使致祭命有司治喪
蓋謚曰簡 討來思萬戶亦思馬因遣使臣打刺罕捨黑馬黑麻閱哈禿等來朝貢方物

賜四川威州故土官孫董山下忽禿河衛指揮僉事忽失木等五十二人雲南定遠縣耆民劉保鈔鈔幣表裏襲衣有差

命御馬監選馬千匹給萬全都司選百匹給永寧官

軍哨備

行在工部奏昨湖廣衡山縣言南嶽衡

山神庙梁柱皆蠹損請命附近府縣以時同力修理仍令布政司官一員督從之

已未

命左軍都督僉事哈剌都把兒姪孫良為指揮使於永平衛帶俸 浚白塔河及儀真等堤河先是監察御史陳祚言白塔河宜開浚置閘又侍郎趙新言宜浚白塔河及儀真舊江口鑰匙河黃泥灘清江閘俱宜浚導

上遣主事潘厚及揚州淮安府官審視仍與平江伯

陳瑄議可否及所用人力至是厚還奏開浚實便
白塔河儀真堪河約用四萬五千八十八人計四十
日可完清江開河用一萬八千人計十五日可完
上從之于是行至工部請發揚州淮安軍夫先開白
塔河置閘工畢就浚清江開儀真鑰匙河

上曰三處用工勞人太甚其儀真鑰匙河俟明年農
隙修浚

庚申

豐命城侯李賢充左副總兵恭順侯吳克中充右
副總兵武進伯朱冕充叅將率師運糧往獨石等

處

命故濟陽衛指揮使何壯子凱羽林前衛指揮同知
鍾興子旺大興左衛指揮僉事李貴子忠長陵衛
指揮同知趙勝孫清俱襲職金吾右衛老疾指揮
僉事李驥子端代職行在大理寺奏汾州民憾
其伯祖以徭役委已又搗撻之誣伯祖歿書誹謗
事應斬

上曰正家當先正身彼為家長心所行有未善致不
肖子孫造誣今寘之死亦過但杖一百發戍遼東
使為子孫知所做為家長者因此亦可以反思又

奏韓城縣丞劉通怒縣民召不即至杖之死聞其
兄將訴官又執而杖之死應斬
上曰縣官民之父母乃不以愛民為心一怒而殺二
人命斬於市

辛酉

陞行在鴻臚寺少卿劉順為本寺卿司儀署署丞
劉清為本寺丞 太保忠勇王金忠卒忠初名也
先主千元太保不花六世孫自永樂二十一年以
其部屬求歸

太宗皇帝嘉之封忠勇王賜姓名金忠

仁宗皇帝嗣位加太子太保宣德三年扈從巡邊至
會州遇虜忠奮當先有斬馘功四年陞太保忠勇
悍善戰曉道理其卒也

上甚悼惜賜賻祭命有司治喪加厚焉 山東布政

司右叅政陳士啟卒士啟字震之江西太和人由

進士現政左軍都督府時成國公朱能掌府事得

士啟喜甚間暇輒從講論古大臣賢將所以事君

使人之道能禮遇加厚召入翰林院為庶吉士修

永樂大典書成擢禮部祠祭郎中直道自任不苟

徇以薦陞山東布政司右叅議青州歲歉即具饒

民數上聞朝廷遣使偕士啓如教賑之粟比至而
飢民倍增使者再議奏俟報士啓曰民命在旦夕
若再俟報旬決間悉餓死矣請發奏後即出粟脫
有罪請自任不敢以累使者遂獨具奏朝廷從之
所至民有爭訟郡邑未決而伏馬首以訴者從容
教語諭之皆帖服其為政庶平無所矯拂所至其
民愛之

大明宣宗章皇帝實錄

大明宣宗章皇帝實錄

宣德六年九月壬戌朔夜有流星大如盃色青白
尾跡有光起五諸侯西北行至文昌

癸亥

石城等衛女直指揮僉事阿里吉納等來朝貢馬
及方物行在戶部侍郎王佐奏比者平江伯陳
瑄言歲運糧儲請再僉民丁一十二萬與今運糧
軍通二十四萬分班僭運有旨令臣與瑄及尚書
黃福等計議可否今議江南之民每歲已運糧至
淮安徐州等處難再僉民若對撥附近官軍載則

便加耗與軍當議定其數佐又奏近工部定各處採修船材料俱送淮安提舉司地遠迥不同恐致誤事今議山東河南蘇松等處宜送淮安江西湖廣浙江俾就本處造船又福建各府亦產材木宜令工部遣人督有司採集於彼水次造船送淮安與軍運糧亦便

上曰民運糧已非易事又欲僉點助軍是重勞民此不可行先運糧加耗更議以聞山東江西等府採木宜減其半福建地遠不可造船且度閩踰險縱有船豈能至淮役民當度人情地勢此事尤不可

行 昏刻熒惑犯南斗杓西第二星

丙寅

賜蘇門答剌國使臣都者看等八十一人綵幣表裏紗羅綾布及金織襲衣有差異賜都者看等八人冠帶仍遣費勅及文錦紵絲紗羅帟賜國王

行在工部侍郎羅汝敬還自陝西言寧夏甘州等

處官豪之家占種田土計一萬四百九十餘畝依

屯田起科增收子粒一十九萬五千五百七十餘

石開除沙礮等田歲無子粒者四千六百九十一

頃有奇又奏莊浪等衛黑松林諸處馬驛舖舍多

是洪武中因軍充役月給口糧三斗年久貧乏馬
牛例死什物損壞無力措置請令陝西三司今後
應有贖罰馬牛車輛紵絲布絹取勘艱難驛分有
欠缺者約量撥用從之

丁卯

賜琉球國使臣由南結制等鈔絲幣絹布襲衣有
差 兀者前衛女直頭目巴領葛坤城使臣者馬
里丁等來朝奏願居京自効賜紵絲襲衣鈔布仍
令有司給房屋器物如例 巡按四川監察御史
王翱劾奏四川都指揮趙得鎮守松潘賊斫傷旗

軍得畏憚不率兵追討請罪之

上命姑戴罪捕賊不獲不宥浙江都指揮使許亨言
海寧定海松門台州四衛旗軍各有赴京告本管
官人命等事少者牽連三五十人多至百餘人悉
下都司問理及追逮鞠問而原告皆逃匿不就質
對淹滯年久是非難明緣諸衛皆瀕海重地或有
警急缺人守禦欲循例暫遣還賊又慮告者隱其
逃匿之情撫拾承行官吏告害無辜

上諭右都御史顧佐等曰此不難知蓋小人始造誣
詞及當質對恐露實情則必反坐故逃匿意使困

滯以快其私此小人之尤者其令放遣被告各還
戢後而嚴督追捕逃者苟有誣罔不可輕恕
戊辰

封肅王贍煇庶母薛氏為大夫人生母張氏為夫
人從王所奏也 迤北韃靼掠者等九十九人來
歸和寧王阿魯台使臣捏帖干等五人來朝皆奏
願居京自効命為百戶所鎮撫等官賜金織襲衣
綵幣銀鈔鞍馬有差仍命有司給房屋器物如例
已巳

河南府奏永寧縣稅課局舊任大使李時復任新
任大使劉迪當還吏部迪到羊置酒邀諸老人請
於上官前言其廉能仁恕乞留之而言時不才宜
送部改用老人皆已服罪迪聞事覺遽起赴京請
付法司論罪

上因諭尚書郭璉等曰朕意各處保官皆出公道今
現此事人言可盡信邪然君子小人操行不同亦
不可因此盡疑之古人言衆好必察衆惡必察御
等不可不審迪命法司逮治之

庚午

重陽節賜文武群臣宴 賜琉球國及亦力把里

寺處貢使宴

命增造臨清廣積倉度可容三百萬石 行在工部
侍郎羅汝敬奏寧陽侯陳懋前鎮守寧夏令家奴
鬻私鹽縱掾吏初傑等貪暴箠死軍人寧夏衛指
揮王真鎮撫韓成千戶楊傑等受財物虛出通關
倉粮折耗浥爛者動以千萬計陳懋王真等俱請
罪之

上命行在都察院遣御史一員同戶部官追理倉粮
其寧陽侯事令巡按御史審察其實以聞
辛未

賜討來思使臣捨黑馬黑麻閔哈禿等一百四十
七人亦力把里歪思王使臣滿刺阿力等一百三
十七人右城等衛女直指揮僉事阿里吉納等六
十人貴州安順州把事楊保等白金線帶紗羅
綾細絹布縠衣有差 修張家灣灣并通州南門橋
道 行在戶部言宛平縣民以果園地施崇國寺
請蠲其稅

上曰民地不食之資乃以施僧又求免稅甚無謂令
亟以還民 行在工部奏明年春 郊祀其登壇
樂舞生及執事人例應給賜淨衣布帛

上曰此

祖宗嚴祀神明之意速行之毋怠

壬申

寧波知府鄭瑤請弛出海捕魚之禁以利民

上不許遣勅諭之曰尔知利民而不知為民患往者
倭寇頻肆劫掠皆由茲民捕魚者導引海濱之民
屢遭劫掠

皇祖深思遠慮故下令禁止明聖之心豈不念利民
誠知利少而害多也自是故海濱寧靜民得安居
尔為守令固當順民之情亦當思其患而預防之

若貪目前小利而無久遠之計豈智者所為且遵
舊禁毋啟民患

上退朝偶與侍臣論漢唐諸君知人孰優或曰漢高
帝用蕭曹唐太宗用房杜皆稱得人

上曰太宗非漢高比也其論蕭何曹參王陵陳平周
勃後皆如所言太宗遺命李世勣最為失當漢高
優矣自古人君知人為難信哉 昏刻有流星大
如雞彈色青白有光出婁東北行至濁

甲戌

勅寧夏左屯衛指揮使張泰專領騎士操練有警則

聽總兵鎮守官調遣

乙亥

琉球國中山王尚巴志遣使者謂慈勅也等貢馬
及方物謝賜冠帶并海艘恩 温州府知府何文
淵以樂清縣知縣徐文朴貪酒酷刑杖殺無罪之
人械送至京

上命刑部罪之如律因諭吏部尚書郭璉等曰縣令
上當清慎愛民乃貪幽肆虐如此抑等宜精擇之母
貽民患

丙子

蜀王友埏薨王獻王之嫡孫悼莊世子之長子永
樂二十二年十月襲封薨年二十六訃聞

上輟視朝二日遣官賜祭謚曰靖命有司治喪葬王
薨妃李氏侍姬黃氏皆自經事聞俱賜祭命有司
治墳贈黃氏為王夫人

丁丑

改成都右中二護衛官軍之調南京者為龍虎左
豹韜左二衛 迨北和寧王阿魯台使臣福受來
朝奏願居京師命為都指揮使賜冠帶金織襲衣
綵幣銀鈔綿布鞍馬仍命有司給房屋器物如例

先是福受有子毛榮留京任指揮使至是福亦願
留乞一職自效兵部奏宜罷其子之職而陞賞福
受故命為都指揮使

直隸廣平府肥鄉縣真定府新河縣奏今歲夏秋
苦雨山水泛漲滄沒禾稼子粒無收人民乏食命
行在戶部遣官覆視賑濟

戊寅

調陝西布政司右叅議劉斌于廣東布政司

命太常寺卿孫時致仕賜之勅曰卿以儒發身行端
才敏歷事

祖宗積有年矣踐履中外多劾勤誠今春秋已高步
履惟艱朕嘉念老成不忍煩卿政事特命以本官
致仕優游田里撫子孫表鄉信以樂餘年用彰禮
待舊臣之意 守禦永寧等處都指揮韓鎮奏永
寧衛城因兩頰裂者七十餘處請以附近軍民修
築從之命副總兵都督方政董其役 江西豐城
縣民奏縣臨長江其西北舊有石砌堤岸高約二
丈有奇長約二百四十餘丈及西南七圩當俱有
隄防水堤內民田歲輸糧三萬餘石比歲俱有水
衝決田禾無收乞令本縣俟農隙之時量發民丁

工匠修築從之。湖廣孝感縣奏民^饑已借預備倉糧給濟俟來年秋成還官。

庚辰

弗提衛女直指揮同知李羅訖等來朝貢方物。迤北黠靼鎖鑰等率家屬男女一百四人來歸奏願居京自如。命鎖鑰等二十四人為指揮僉事。等官賜冠帶金織襲衣綵幣銀鈔絹布綿花鞍馬。有差仍命有司給房屋器物如例。行在工部侍郎羅汝敬言寧夏等衛屯軍舊種田一頃。納屯糧一十八石。然一頃之中地多沙曠。有名無實。今請開豁。

所種田皆肥饒。每五十畝仍令納糧一十八石。甘肅一十三衛所亦准此例。因除一十二石充本軍月糧。止以六石上倉。余丁官下家人寄住人等例無閔支。月糧宜照屯軍例。以細糧六石輸官。又各衛屯軍雖嘗給牛歲久不存。貧者無資可買。其西安等府寄養官牛九千二百餘頭。請給屯軍之貧無牛者。不足則于寧夏慶陽等府庫支贖。罽布絹鈔買補。又寧夏甘州田土資水灌溉。有勢力者占據水道。軍民莫敢與爭。多誤耕種。請增除工部或都察院堂上官二員。往來巡視寧夏甘州。皆請置

提舉司寧夏正提舉一員副提舉二員吏目一員
司吏二名典史四名甘州正提舉一員副提舉四
員吏目一員司吏四名典史八名專掌水利蕪收
屯糧俱屬部院官提督則屯田不廢邊儲有積又
寧夏甘州馬驛遞鋪夫俱洪武中因軍月支口糧
三斗既不能贍其所種民地近年俱依屯田例納
糧愈加貧困宜依餘丁種田之例令存月糧自食
少甦其苦

上命行在戶部會官議於是太子太師郭資尚書胡
濬等議屯糧屯牛減驛夫種田糧皆可准置提舉

司及添除六部都察院堂上官巡視請自

上裁

上曰提舉司可置巡官不必除只令御史二人徃理
其事會昌伯孫忠母太夫人丁氏卒太夫人追
封會昌伯士英之配今

皇太后之祖母也世居山東濟南府鄒平縣為大族
太夫人婦孫氏有賢德初以忠任中軍都督僉事
封太夫人忠進會昌伯遂加封伯五太夫人至是
卒年八十七

上遣中官致祭命有司治喪

辛巳

行在吏部右侍郎王讓以久疾辭位

上憫而從之賜勅曰卿以儒發身踐履篤實執經侍
朕積劬勤誠肆纂承之初陞貳天官用資毗輔而
卿嬰疾再歷寒暑雖今小瘳步履尚艱卿既辭祿
朕亦嘉念前勞不忍重煩以政特命致仕俾歸田
里撫子孫樂餘年用彰禮待舊臣之意其欽承之
賜琉球國使臣謂慈勅也等鈔綠幣絹布襲衣
有差行在兵部侍郎柴車言奉命往山西大同
等處按視田地為官民占種及空閒者計一千八

百九十餘頃與軍耕種請依屯田起科戶部言屯
田之例每軍種五十畝除月糧外以糧六石上倉
今召軍種田每五十畝亦令歲納子粒六石于附
近倉

上曰邊地軍民當優之可更減一石

壬午

南京工部言

孝陵外垣及大名臨安懷慶福清諸公王墳歷代帝
王功臣廟垣墉多頽壞請以直隸州縣均工夫修
葺從之

甲申

巡按陝西監察御史張鑑奏甘肅苑馬寺卿陳儼與西寧土官李英結為婚姻英征安定還奏獲賊馬三百四十匹送苑馬寺牧養實送五匹餘皆歸其私家已歷四年儼置不問附下周上請治其罪上諭行在都察院臣曰黨私背公正直者不為其令陝西按察司執儼罪之

晚刻月犯軒轅御女

乙酉

降右副都御史胡廙為福建布政司右叅政廙初

往四川董伐木貪虐自恣事覺法司當以死罪命安置遼東既而會恩例得罰後復戕行在吏部以聞

上曰都御史受賕罪當加常人豈可復入風憲但以恤刑例不款失信姑從輕減降外任使自新于是降為叅政行在工部奏順天府廣備倉所收預備賞賜軍士襖袴鞋今虧欠者計一萬一千七百八十八件官攢庫子皆當寬治

上曰此其奸弊非小合付刑部治之斬會川衛千戶丘能能累為強盜劫財行在都察院擬律應斬

上命斬之曰五品官非一日之勞所致而甘為盜以殺身此其自取也 巡按廣東監察御史陳洵奏 廉州強盜劫掠海北鹽課司提舉家已捕獲徒賊 而首賊為雷州衛捕盜千戶石渠所匿樂民守禦 千戶吳斌率軍往捕渠乃以衆拒斌擊傷斌及旗 軍三人及賊自首而渠復匿所劫白金之半請正 其罪

上曰捕盜之官匿盜罪浮於盜朝廷乃以俸祿養此 革命亟正其罪

丙戌

行在都察院右僉都御史凌晏如大理寺左寺丞 鄭堪親表服闋命復職 罷北京行太僕寺少卿 王佐為民佐閱募收馬受賂法司以聞命罷為民 行在戶部奏比若河南民言嵩縣白泥溝地產 銀鑛民私烹煉開宜官治已命生事郭誠往同三 司官集民丁發地得銀沙四千餘斤烹三十餘日 計用人力二千七百工得黑鉛五十斤銀二兩所 得不償所費上曰小人獻利之言不可聽其罷之

昏刻太白犯南斗西第三星

丁亥

宥四川都指揮僉事萬貴罪貴以受賂不嚴邊備
致番人邀阻餉道殺掠人畜事覺三法司鞠問朕
罪擬律杖一百發邊遠充軍

上曰武夫嗜利而已然番夷之變亦非獨貴所致朕
念其自小旗積勞六十年至此始從寬典罰役贖
罪調赤城備禦南京通政司右叅議李文郁奏
本司知事缺有同鄉人楊復承樂中為兵部主事
以取工匠違限謫充軍蒙恩宥為民復勤謹有才
通曉文移乞授本司知事之職行在吏部言文郁
所舉鄉人且嘗有過徇私不公請罪之

上曰若所舉公豈問同鄉若其人賢豈問有過但擬
定為知事則不必朝廷量才授官矣文郁不省大
體所舉之人從可知不允所舉亦不罪之 摠兵
官都督僉事劉廣奏秦州衛指揮于諒等宣德三
年調甘州操備至蘭縣逃歸從之三年到莊浪復
逃歸請治其罪

上曰忠臣之赴國事當奮不顧身今頑不聽調則不
知為臣之義此而不治朝廷將何以使人命都察
院執而罪之

戊子

設陝西寧夏甘肅二河渠提舉司置提舉各一員
從五品副提舉二員從六品史目各一員從九品
隸陝西布政司專掌水利從侍郎羅汝敬所奏也
命故金吾左衛指揮同知王榮任昇襲職

命南京工部修補國子監書籍圓板從禮部尚書張
瑛言也 行在戶部奏潘土薨歲祿一萬石當減
命仍舊給之又奏北京承應庫所貯生絹年久積
多恐損壞請不為常例每疋折米二石以給在京
文武官月俸公侯伯祿未亦准給一半從之 直
隸武進縣民奏閩浙官民舡隻及今漕運必由本

縣孟津河出逆行三百餘里始達瓜州埧往往為
風浪漂溺縣舊有新河四十餘里出江正對揚州
府泰興縣新河入至泰州埧一百二十餘里至揚
子灣出運糧大河比今白塔河尤為便利第歲久
泥汙難通重載乞加修浚實為便利命平江伯陳
瑄侍郎周忱審計

己丑

革鳳陽廣儲五倉時知府熊觀言鳳陽舊設廣儲
倉自一至五倉又設量積倉各置大使一員收支
一年一更近年稅糧俱撥留守司及長淮等衛所

支用各糧歲收不及千石所設倉官徒享廩俸乞
革去廣儲五倉止存量積倉及本府倉實省費用
從之賜討米思亦力把里等處貢使宴

庚寅

以明日下元節遣衛王瞻埏祭

長陵

獻陵

夜有流星大如鷄彈色赤有光出關丘東南行至

濁

大明宣宗章皇帝實錄

大明宣宗章皇帝實錄

宣德六年冬十月壬辰朔饗

太廟遣中官祭司井之神

甲午

勅總兵官武安侯鄭亨等曰殘虜狼狽離散不相統
屬今天氣已寒慮為邊患昨得開平報望見五百
餘人從東南來稍近邊聞砲聲即復北行不知何
寇且嚴兵以備凡人畜皆收入城堡以防剽竊不
可怠忽四川建昌衛土官指揮安均遣弟金保
副千戶安普化遣弟貴百戶馬速忽遣子義芬來

朝貢馬 賜哈密忠順王及瓦剌牙納失力王所
遣使臣百桑哥失里等綵幣及絹襲衣等物 阿
者迷河衛指揮僉事咬哈實山衛指揮僉事阿里
黑來朝皆奏願居京自效賜金織襲衣鈔布仍令
有司給房屋器物如例 行在鴻臚寺卿楊善以
典儀失職為監察御史所劾下 行在都察院獄
已而釋之免冠帶視事

乙未

命奴兒干都司都指揮使康旺致仕以其子福代為
本司都指揮同知旺本韃靼人洪武間以父蔭為

三萬衛千戶自永樂以來頻奉使奴兒干之地累
陞至都指揮使至是復命往奴兒干設都司旺辭
疾乞以福代故有是命 琉球國中山王尚巴志
遣使臣長史郭祖每等貢馬及金銀器皿謝賜文
錦綵幣帛 賜弗提衛女直指揮同知孛羅托等
綵幣絹布襲衣等物有差 濟州衛奏六月苦雨
河水泛溢溺死屯田軍十七人滄沒苗稼一十六
頃 直隸安慶府桐城縣奏貧民三千九百餘戶
缺食已借給預備倉穀一萬四千三百八十石賑
之候豐熟償官

丙申

四川重慶府榮昌縣民錢本中妻王氏一產三男
命有司如例給賜鈔米 昏刻月掩太白

戊戌

昏刻有流星初如鷄彈隨大如盃色赤有尾光煜
煜照地出奎南行至游氣

己亥

上諭行在吏部尚書郭維亨曰朝廷置御史託之耳目
允政務闕失民生利病百官賢否皆得奏舉豈
可以任匪人比來有相朋比同流合沓者有依勢

作威陵蔑良善者甚至貪淫穢濁不可以言者如
此何望其能舉職能已逐之自今必擇老誠謹厚
識達治体者以間朕將試用之又諭之曰在外按
察司掌一道風紀亦且慎選毋任非才 江西九
江府瑞昌縣奏貧民一千六百七戶缺食已借給
預備倉穀五千九十四石賑之俟豐熟償官 行
在戶部尚書李景奭字天暉陝西涇陽人洪武
中自太學生擢左軍都督府都事陞戶部郎中永
樂初陞北京刑部右侍郎北京當靖難之後民甚
凋弊行部初置政務糾紛景奭盡心從畫事無廢缺

十八年轉戶部嘗扈從北征董糧餉效力尤多宣
德五年陞戶部尚書專督京師及通州諸處食糧
杲和平謹恪謹戢不懈而廉介之節始終不渝至
是卒遣官賜祭命有司營葬

辛丑

昏刻有流星大如盃色青有光出畢東南行入雲

中

壬寅

命豐城侯李賢往大同密探胡寇聲息如其犯邊即
出兵勦之

癸卯

副總兵都督僉事方政以新立龍門衛及龍門守
禦千戶所請給器械旗鼓等物

上命行在工部如數給之語尚書吳中曰兵甲堅利
而後足以制寇然地利不如人和尤須戒勵主將
善撫士卒人心既和以守則固戰則勝邊境可永
無虞通政使司左通政朱侃率侃浙江海鹽縣
人由國子生擢山東道監察御史陞廣東按察司
僉事改通政司右叅議久之轉左叅議遂陞左通
政嘗奉命巡撫廣西察舉失當士論不服既還

未幾卒。昏刻有流星大如鷄卵，色赤尾跡有光。出參東南行入雲中。

甲辰

四川黎州安撫司故土官副使馬彪姪成福餘衛韃官指揮同知阿克即恆等未朝貢馬。迤北韃韃拜任猛克卜羅等來歸，願居京自效，命為副千戶等官，賜冠帶金織襲衣綵幣銀鈔絹布鞍馬。有差仍命有司給房屋器物如例。總兵官都督陳懷等討松潘番寇，平之。先是懷及四川都指揮邢安奏松潘勒都北定諸簇東路空，即融溪諸寨聚

衆截路殺傷軍民，欲攻閔堡。

上勅懷等相機勦之。懷遣安以兵二百略寇境，遣都指揮趙琦以兵一千應援。寇合衆迎敵，官兵稍却。寇衆勝追躡，發懸竿轉石以擊官軍。指揮安寧等三百餘人退北溺水死，懷親督兵進深入其地，攻革兒骨寨，破之。寇棄衣甲器械遁入山林，又攻空。即乞思洞諸寨，寇出迎敵，官軍奮勇而前，斬首及追北墜崖溺水死者甚衆。已而革兒骨寇復聚，西北諸寨生番四百余人至安化設伏，邀戰都指揮趙諒等，覺之，勦戮殆盡。每破其寨，即毀其壘，居分

其牛羊料麥以勞諸軍梟賊首以狗得其所虜民
男婦悉還其家任昌牛心耳別諸寨生番聞之皆
驚怖來降曉以禍福俾安生業辟寇悉平至是捷
至

上喜曰蜀民可免憂矣遣使賫勅勞懷且諭之曰畜
寇之平尔克效心力良用嘉之然此寇叛服不常
尔且於松潘鎮守遇有叛者即發兵勦捕毋令滋
蔓來歸者善綏撫之 教諭唐敏言蘄州府常熟
縣舊有取涇塘南接梅里塘昆承湖北通揚子大
江旱歲資其灌溉年深壅塞請如舊例發民濬導

從之 禮部尚書致事^仕蔚綬卒綬字文^聖廬州府
合肥縣人洪武中國子生擢戶部主事陞山西布
政司右叅政永樂初陞禮部右侍郎洪熙元年陞
尚書宣德五年以老乞致事^仕從之特賜鈔一萬貫
綬為人謹畏避事臨政無所可否又以瑣細為其
屬所厭至是卒訃聞賜祭命有司治葬事 夜有
流星大如鷄絆色青白有光起危西行至天桴

乙巳

未刻太白見巳位

丙午

勅行在五府六部都察院今農功既畢田穡豐私朕
暫巡近郊以觀農業卿等各勤戩事毋怠毋忽仍
命武定侯郭玘都督張昇尚書郭璉都御史顧佐
等守京城遇急務具奏是日車駕發京師駐
蹕西湖之東

庚戌

車駕還京師

夜月掩積尸氣

壬子

行在都察院奏開平都指揮唐銘後軍士出城採

薪芻為虜所掠雖後竟脫歸請正銘私役之罪

上曰邊將令軍士取薪芻非大過且所掠既歸可宥

之夜月掩軒轅

癸丑

先是

上從都督方政奏設龍門衛所調大同宣府寧化振
武諸衛所軍携家屬往戍後戶部郎中王良言口
外冰凍餽餉艱乞且留軍屬於宣府就糧過冬
上是其言至是政奏良沮軍務暗邀人心請督諸軍
携家屬同赴龍門併乞罪良

上曰政急欲成事蓋為國謀今天寒地凍軍士惟妻
子暴露道途亦有可憫况新建衛所室廬未創糧
儲未備良所言亦是且以來春發遣遂命兵部移
文諭政

總兵官都督山雲奏廣西左右兩江舊設土官衙
門大小四十九處蠻性無常讐殺爭奪往往不絕
朝廷每命臣同巡按御史三司官理斷緣諸處皆
是瘴鄉兼有蠱毒三年之間遣官往彼死者九十
七人事竟未完今同衆議凡土官衙門除軍務重
事徑詣其處其餘爭論詞訟宜就所近衛所理之

左江太平思明龍州崇善等處於太平千戶所右
江田州鎮安泗城上林等處于奉議衛思恩州于
南寧衛南丹東蘭那地三州於慶遠衛各令土官
及應問之人尅期來集以俟理斷庶免瘴患事亦
為完

上語三法司官曰撫馭蠻夷當從簡畧若事有艱難
亦當擇便議者既以為宜其從之

甲寅

昏刻有流星大如鷄埤色青白尾跡有光出勾陳
東北行入文昌

乙卯

總兵官都督劉廣言莊浪衛土官韃軍昔常更番于甘州操備自後遂罷請仍舊

上曰土官韃兵不須操備俟有警急調用 甘州右衛千戶姚寧等奏先從總兵官都督史昭等征曲先兵至的思選舍人王敬等五人領軍晝夜長哨至哈廝又選寧等十人同都督安敬等領兵當先哨瞭及賊敗走隨征官軍追獲人畜近蒙

聖恩凡晝夜長哨瞭官員皆陞一級緣安敬等雖曾同臣哨瞭然皆即日回營比與王敬等長哨不同又指揮王傑等俱隨征領軍本非哨瞭之數今皆妄冒陞職未愜衆心

上謂行在兵部尚書許廓等曰陞賞之法所以酬前勞勉後效若有功不得則材勇之人忿無功而得則僥倖之心啟將來何以使人今寧等所言且令總兵官覆勘果當陞與否皆其實奏未務合至公無悻改過

丙辰

賜四川建昌衛土官舍人金保安貴馬義等鈔錄幣表裏有差

丁巳

賜琉球國使臣郭祖每等線幣絹布金織紵絲襲
衣有差 行在兵科給事中李藩言每歲裡河運
糧軍士及送官舡之民有病死者官旗夫甲輒棄
屍水中及河兩岸波浪漂流犬狸嚙噬深負
聖明恤下之意乞勅所在郡縣及總兵官平江伯陳
璉等嚴戒官旗夫甲凡有疾者令醫療治死者所
管之人即與收殮立牌識其姓名于四日令旗甲
親隣收骨歸葬
上聞之惻然命行在禮部即如所言行之 順天府

固安縣奏六月淫雨運河水漲衝決堤岸淹沒民
田一千三百五頃有奇禾稼無收命行在戶部遣
人覆視蠲其租稅
已未

金吾左衛老疾指揮僉事劉毅子昇代職

命山西按察使副使劉煥廣西布政司右叅議鄭隆
致仕煥湖廣當陽人由監察御史陞山西副使寬
厚平易隆江西浮梁人由進士為行人陞廣東按
察司僉事再陞叅議清勤無過至是俱陳老疾
命致仕賜四川黎州安撫司故土官舍人馬成等

福餘衛指揮同知阿克即嘔等鈔絲幣絹布三織
紵絲製衣等物有差迤北鞋鞞濟咬丁率妻子
來歸弗提衛女直指揮僉事哈刺帖木來朝皆領
居京自效以濟咬丁為副千戶賜冠帶金織製衣
綵帶銀鈔綿布鞍馬有差仍命有司如例給房屋
畧物

庚申

陞行在翰林院修撰苗襄為侍讀編修劉矩為修
撰興化府儒學訓導朱應浙江杭州府昌化縣儒
學訓導康振為行在給事中應禮科振吏科福建

布政司右叅政張璘為應天府尹河南道監察御
史李旺為福建布政司左叅議廣東按察司僉事
魏暹為陝西布政司右叅議山東按察司僉事韓
璽為本司副使湖廣道監察御史余思寬為廣東

按察司副使四川道監察御史茅惟揚為四川按
察司僉事四川保寧府知府陳原武為福建監運
使皆以九載考最也朱應康振韓璽俱令于內府
授小內使書擢江西建府_昌檢校周庶新建縣儒學
教諭王來湖廣常寧縣儒學教諭賈進浙江麗水
縣儒學訓導陳濟江西南昌府李訓導黃潤玉監

生張謙史鑑朱純鄭昱為監察御史廉來進漕潤
玉皆行在廉廣西道來江西道進陝西道漕山西
道潤玉交吐道謙鑑純昱皆南京謙廣西道鑑山
西道純福建道昱雲南道廉來進漕潤玉先以監
察御史王縉紳等舉薦至是召至故有是命福建
道監察御史劉禎中書舍人張恕陝西按察司付
使徐竒浙江按察僉事龍韜皆親喪服闋調禎于
行在四川道韜于雲南按司恕竒俱復原職復石
鼎河南梧州知州陞正五品祿王瑀順天府通州
知州陞從四品祿焦昉大名府長垣縣知縣陞從

六品祿馬良合肥縣主簿陞從八品祿昂等皆九
年考最當陞吏民伏闕奏乞留之故陞祿俾復任

增置廣西賓州安成鎮巡檢司土官副巡檢一

員總兵官黔國公沐晟奏雲南都司二十四衛

所去歲收屯軍子粒米四十九萬二千一百石有

竒會計可足各衛旗軍十一月糧命行在戶部更

覆實總兵官都督陳懷奏松潘衛屯軍畊牛比

因番寇侵奪存者無幾乞於四川布政司所屬見

養官牛內給之不足則支官價買給從之夜有

流星大如盃色青白光燭地起九游南行至天園

散

大明宣宗章皇帝實錄

大明宣宗章皇帝實錄

宣德六年十一月壬戌朔

行在欽天監進宣德七年大統曆

上御正朝受之給賜諸王群臣頒行天下

癸亥

朝鮮國王李禔遣倍臣禹承範四川馬刺長官司
土官副長官阿、陝西西寧衛妙善通慧國師伊
兒吉達刺麻堅都答卜等貢馬方物及賀

皇太子千秋節

上御文華殿召少傅楊士奇楊榮學士楊溥入侍

上曰朕念我
仁祖積德累善篤生

太祖皇帝繼天立極創業垂統

太宗皇帝汎掃奸回再安

宗社

皇考仁宗恢弘治化增高累厚以固鴻業朕承天位
夙夜不忘記曰先祖有美而不知不明知而不傳
不仁是用撰述成詩揭之座上朝夕覽觀勉圖繼
述庶幾永保天命今以刻石特賜卿摹本卿亦當
思我

祖宗開創之難守成之不易盡心輔朕國家安卿等
亦與享榮利士奇等稽首受賜詩九九章
上自序之其文曰昔者胡元之季

上天厭之眷求聖德俾作民主我

仁祖皇帝有純粹之性誠一心之蘊至仁而弗矜篤
大義而不銜佞正而養和履醇而抱潔循乎自然
安乎大順蓋動與天游靜與道俱曷所謂大人魯
論所謂至德者也用集

天命大開厥祥篤生我

太祖皇帝其仁如天其智如神道冠百王德侔五帝

汎掃六合綏寧萬邦正天紀立人極詩書禮樂之
華典章法度之懿超越隆古矣

皇祖太宗皇帝以大德承統神武赫著聖仁弘施近
悅遠來內安外服茂勳鴻烈允光于前

皇考仁宗皇帝丕大猷恢彰美化仁恩惠澤益廣益
深是以普天之下莫不尊親同心愛戴至于今日
顧予菲薄克遂承繼撥度所自厥有明徵實由

仁祖皇帝源本之隆肆

太祖皇帝開創之大而我

皇祖

皇考得以恢廓而繼持之萬世之業所由定也

列聖之德與

天為一證敘述為詩九章以昭後世詩曰

上天信崇高臨下明以赫元季政昏亂

帝用厥夷狄眷求令德宗視乃善慶積霈然啓其祥

疆宇俾開闢一章恭推我

仁祖躬備大聖德天性稟純粹溫恭而允塞篤志在

仁義薰亦貴稼穡寶玉之所藏山川被光澤二章

維時屬道屯默訟足自適進退與道俱玉德懷貞

白

皇天鑒昭晰寶命所由錫篤生

太祖聖配天立人極三章海內如鼎沸土壤紛割折
蒼生靡怙恃僥伏斃毒螫伏劔起濠梁奉

天極焚溺再駕定東南一舉定西北四章曠哉六合

內腥穢悉盪滌三光復宣朗五典重修飾遠齊克

舜功近過湯武績遂令普天下休養樂生息五章

太祖宗削姦回繼統奠

宗祐聖文既炳煥神武允赫奕賢才盡登用秉德各

修賤庶邦承覆戴貢獻來九譯六章

昭考撫盈成至仁弘隱惻民安視如傷恭已臨萬國

繼志與述事夙夜懷兢惕皇風益清穆皇道彌正

直七章正本所自隆

仁祖實啟迪祥源深且廣天派津洋溢

聖神紹傳序茂衍萬世曆造商本玄王興周美后援

八章茲予嗣鴻業時幾謹申勅

四聖赫在天悠久貽法式保佑賴深眷負荷愧綿力

稽首陳設歌庶用示無數九章右軍都督同知

李敏卒敏直隸常州府且興縣人初任燕山中護

衛千戶以靖難功累陞四川都指揮使永樂十一

年陞右軍都督同知鎮守四川洪熙元年以口疾

召還命致仕至是卒敬為人重厚詳雅從容有大
體操守亦嚴兵民皆聽之

甲子

初監察御史陳搏巡按廣東還奏各處關津衛所
撥軍把截皆洪武中設置本以盤詰姦回乃假公
務私邀阻行旅需索財物凡有征調把截之軍悉
得避免且把截之處多置于附城或近巡檢司無
益而有害請令三司從公勘實可革者革可置者
置當仍舊者仍舊俱於所在巡檢司分撥弓兵守
把庶革積弊

上命巡按御史及三司覆勘至是覆奏搏言誠是遂
從之湖廣石首縣典史劉英奏本縣舊有三堤
長一千九百四十餘丈比因江水泛漲風浪衝激
頽圯其半近堤之田連歲被溺禾稼無收其隄內
民田與荊州衛軍士屯田利害適均命軍民並力
築之

乙丑

行在刑部奏直隸儀真衛千戶楊貴強取所部寡
婦女為妾當治罪

上曰本管官於所屬有父母之道故不許嫁娶恐可

強取耶其治之如律

丙寅

復揚善行在鴻臚寺卿

丁卯

賜韓王冲焮長子名範圮第二子範坤第三子範
聖第四子範塔第五子範璧

宥行在後府都督僉事沈清誣罔罪先是清奏都指
揮柳成千戶戴興罪既下獄成等訴冤求直不已
遂命行在兵部錦衣衛與之辨二人皆得直於是
尚書許廓等劾清誣罔

上曰大臣朕所倚重可罔上而虐下乎姑念其功屈
法宥之然過不可再矣命廓復成等職行在都
察院奏御史傳教妻毆妾中其要害妾自縊死當
治其罪妻緣已受封

上曰殺人豈可容罪之如律因語侍臣曰婦姑是惡
行况以姑殺人其惡甚矣

戊辰

勅都指揮僉事韓鎮指揮同知陳震率領騎士自
永寧衛隆慶州至懷來衛往來巡哨備禦諸隘口
屯堡烟墩俱屬提督有寇則相機勅殺寇去不必

窮追凡事須同心協謀歸于公當毋執偏見以誤
事初天津右衛倉副使紀攀奏因軍士家失火延
燒居民共三千餘家併及倉廩米被焚者一萬五
千五百石有奇法司責限追償命行在都察院勘
實以聞至是勘覆所言皆實

上曰風火非人力所能制其免追
已巳

以明旦冬至遣衛王瞻埏祭

長陵

獻陵

庚午

冬至

上御正朝受朝賀大宴群臣及四夷朝使

皇太后

皇后免文武命婦朝

辛未

西寧衛灌頂真修妙慧國師劄思巴監奏遣刺麻
也失監剗等來朝貢馬

壬申

皇太子千秋節免朝賀

甲戌

以北京行太僕寺馬三百匹給開平衛軍士陝西苑馬寺馬一千匹給陝西行都司軍士操備

乙亥

遼東總兵官都督僉事巫凱上廣寧馬市所市福餘衛韃官馬牛之數

上謂侍臣曰朝廷非無馬牛而與之市蓋以其服用之物皆賴中國若絕之彼必有怨嘆心

皇祖許其互市亦是懷遠之仁日上生背氣色青

赤生左右珥色黃赤鮮明

丙子

兀者等衛女直指僉事若赤等來朝貢馬行

在戶部定官軍先運民糧加耗則例先是平江伯

陳瑄言江南民運糧赴臨清等倉若與官軍先運

加耗與之民免勞苦得以務農軍亦少有贏利命

侍郎王佐往淮安與瑄等再議以為可行

上復命群臣議至是吏部尚書蹇義等議奏其法實

便軍民加耗之例請每石湖廣八斗江西浙江七

斗南直隸六斗北直隸五斗民有運至淮安先與

軍運者止加四斗如有先運不盡令民運赴魚定

官倉交納不願先者听自運官軍補數不及仍于揚州衛所備倭官軍內摘撥其宣德六年以前軍告漂流運納不足者不為例將粟米黃黑豆小麥抵斗於通州上倉軍先民糧請限本年終及次年正月完就出通關不許遷延妨誤農業其路遠衛所就于本都司填給勘合從之 浙江於潛縣奏貧民五百五十人戶缺食已給官倉數五百六十餘石賑濟 內官表琦有罪下獄

上御左順門諭工部尚書吳中曰今天氣寒甚緣邊守關哨瞭官軍狐帽皮裘未給者速運往給之

戊寅

賜朝鮮國使臣禹承範等四川馬刺長官司土官阿泰等陝西西寧衛刺麻堅都魯等鈔絲幣絹布襲衣有差

上御左順門與群臣論邊防

上曰朕嘗巡邊見宣府是土城因問左右城能久乎皆云每年遇有雨亦頽壞旋復修整朕念凡事當圖永遠况臨邊城垣必磚砌乃能久雖一時勞人豈不勝屢壞屢修但為之以漸亦不甚勞遂命都督譚廣以農隙為之

庚辰

內官戎禮奏陝西苑馬養寺馬軍士人養牝馬十匹至十二三匹者又養陝西行太僕寺孳生馬迤年倒死及虧欠馬駒賠細不足乞選西安平涼鞏昌慶陽四府丁多民戶分養行在兵部言軍士養馬已是定例難准分給請依舊例令刑部都察院及陝西布政司按察司凡問雜犯死罪應充軍者就發陝西苑馬寺充軍養馬厰幾少蕪軍士從之

辛巳

亦力把里歪思王母鎖魯擅哈敷遣使臣滿刺哈只等來朝貢馬及方物

癸未

亦思把罕等處遣使臣迷兒阿力哈家衛回回舍人哈三烏思藏怕木竹巴闡化王使臣刺麻藏卜伯僧人星吉領占等來朝貢馬及方物

命開平衛致仕指揮使杜福提調龍門守備時新立龍門衛及千戶所地連閔安大松林潮河川正當衝要之路新調官軍未能諳練副總兵都督僉事方政言福備知險要歷練老成宜令于龍門提調守備故復用之

乙酉

福餘衛韃官所鎮撫土木得見等未朝貢馬

上以內官袁琦等事覺以其所遣在外者尚多于是遣太監劉寧御史張駿李灝等往籍其賦及執其從人寧駿灝往直隸蘓松諸郡御史蔣彥廣往福建胡智往湖廣施信往江西高超往廣東劉禎往廣西胡敏往河南于奎往南京郭原往河間唐慎往直沽梁軫往四川雲南內奏可烈在蘓松諸郡貪暴尤甚特命械繫至京總兵官都督僉事山雲奏廣西都司所屬衛所多臨賊境每遇霖雨江

水泛溢城垣頽壞軍力不足修築須借民夫相助若候奏請恐蠻寇窺伺卒無備禦乞勅布政司自今但遇城垣即量撥民夫助役

上諭行在工部臣曰邊城有壞須即發民助修非此毋擅勞民力廣東海南衛管屯百戶劉得領軍入文昌縣黎村掠取黎民財物按察司奏請治之上謂行在都察院臣曰軍民各有統屬軍官不得無故擾民况海外黎人尤當恤恤前聞黎人作亂朕回疑其有擾之者今此輩是已其令按察司執而罪之河南府知府李驥奏伊王居國屢有非理

之求臣不敢曲從且府中內官及官校素恃勢虐
害百姓者自臣到任皆不敢縱恣為其所惡今年
冬至臣以四更往王府陪班行礼適初唱班臣已
就列王以為遲執繫儀衛司獄加械手足次日始
釋緣王府自前過節行礼未嘗有在四更者臣蒙
恩守土遭王摧辱不敢不奏

上謂右都御史顧佐等曰朝臣過節于大廷行賀礼
亦皆于昧爽之際未嘗以四更此必王府讒邪小
人教王府知府之計朕于王府官每礼待之未嘗
厲色蓋以親親之故縱令知府有過王當以聞朕

自有處置豈可輒加威福此皆長史典儀承奉之
過乃致書伊王曰即守朝廷付以千里之寄特賜
之勅俾安撫百姓其任匪輕縱有罪須奏聞處治
今未有失禮於王府遽推辱之然此非出王本意
必為下人所惑自今王宜謹守祖法勿信讒枉
下府中承奉長史典儀悉械送京師治之
丙戌

汀州府知府許敬軒奏叅諫陳羽至寧化縣用大
杖擊死無罪人及逼死^取死者之家財物

上諭行在都察院臣曰布政司官府縣之表率因當

奉法循理此人嘗擊殺皂隸今復以貪暴為虐官
所奏稔惡不悛如此令巡按御史鞠治如律

丁亥

賜西寧衛刺麻也失監判等鈔練幣表裏有差

初大理寺奏山東江西二道御史所問強盜七人
皆是軍匠兩京審錄固稱盜發之日皆在公報後
各有管領之人為証實不為盜命會官鞠之至是
六部都察院等官覆奏叅驗審覆七人實非盜

上曰御史朝廷司直之臣凡諸司行事有是非不辯
枉直倒置皆當執奏乃自誣枉平人可乎必正其

故入之罪以戒後來

戊子

徙江淮衛閩先是守備南京襄城伯李隆奏閩瀕
大江風水淪陷逼及閩門欲徙向內乞倣永樂間
例量撥軍民千人修築徙之

己丑

勅三法司錦衣衛曰今天氣嚴寒園囿中尤當矜
恤爾等即審究凡情可憫者悉從輕典速為斷遣
若依勘待對者令知在出外庶免淹滯而死如真
犯死罪不可生者亦且存恤待及時而決

上帝之德好生而已朕與卿等皆瀕俸此不可怠忽
六科給事中年富等劾奏行在都察院右都御史
顧佐左副都御史陳勉監察御史丘陵陳汭湖廣
都司都指揮僉事魯曾布政司右叅議周文按察
司副使余士悅等寃抑平人罪初福建汀州府知
府宋忠還鄉過黃州過劫盜被殺忠子暎聞于官
而所乘舟漂流至黃石港港旁居民陳礼等十有
七人毀而分之官遣人捕盜得所毀舟板遂執礼
等為盜械送至京都察院悉坐劫盜死罪礼等屢
訴寃抑都察院行湖廣道覆勘巡按御史陳汭及

三法司官不為詳覈皆指為實盜礼既死獄中余
俟决礼之弟復擊登聞鼓訴寃

上遣監察御史胡智往湖廣同三司堂上公正官躬
至其地詢察智還奏礼等但毀舡板實非盜于
是六科給事中劾奏佐等失入人死罪汭等照勘
不實宜正其罪命姑宥之復諭佐等曰事固明白
其辜而不死者得釋若礼無辜而死于獄汝等亦
動心否乎朕亦為汝惕然矣佐等皆叩首

唐寅

以亦力把里歪思王討來思萬戶亦思馬因等各

遣人朝貢遣內官李信都指揮喜刺丁等賣耒往
賜至思王及思馬因等金織綵幣表裏仍賜喜刺
丁等二百四十餘人鈔絹綵幣內使馬俊公差
還京至良鄉聞袁琦事自經有司以聞

上曰此正與袁琦同惡害吾民者命錦衣衛戮其屍
梟首於市

辛卯

免山東夏津縣被災人戶逋賦一千九百六十八
石濟南府濱州直隸保定府易州復業之民夏稅
小麥二百七十餘石穀二十石草五萬四千三十

東中府唐受以公差南京縱恣貪酷民不勝其害
事聞

上命錦衣衛遣人捕至鞠訊具伏械赴南京凌遲於
市梟首以示衆 陝西按察司奏漢中府缺知府
其同知王聚到羊置酒邀教授張迪及所屬知縣
畢昇等求共薦已請授本府知府迪等褒稱聚有
實德真才海內士大夫罕比乞與即政朋比欺罔宜
正其罪

上曰此亦無恥甚矣士君子患無諸已何俟求人今
卑辭下氣請托屬官不復知有廉恥矣併教授知

驟悉罪之昏刻有流星大如鷄彈色赤尾縹有
光起委西南行至羽林軍

大明宣宗章皇帝實錄

宣德六年十二月壬辰朔

上省郊祀牲 夜有流星大如鷄彈色赤有光起庶
子東北行至北斗魁

癸巳

命故行在金吾後衛指揮同知官旺子晟指揮僉事
許勝子璟襲職金吾右衛指揮同知張驥兒子斌
羽林前衛指揮僉事何浩子忠張壽子能俱代職
以驢兒等老疾乞致仕也 迤北韃靼兀南帖木
兒等來歸奏頤居京自劾命為百戶等官賜冠帶

金織襲衣綵幣銀鈔鞍馬有差仍命有司如例給
房屋器物 鎮守甘肅太監王安以蘭州衛軍王
震等藏玉石不獻而私驚於家執送至京

上曰國家以民安為寶况小人營利亦其常情何罪
遽命釋之 行在大理府奏有父子與人飲強人
以酒不從而子毆之至死者當其子絞罪命如律
因曰酒能發君子之和氣亦能激小人之暴氣小
人使酒未有不敗者

甲午

賜兀者等衛女直指揮僉事若赤等並思王母所

遣使臣滿刺哈只等綵幣表裏絹布襲衣等物有
差

命罪因細米贖罪時犯罪者俱罰運磚贖罪行在工
部尚書吳中言近無磚可運請改發細米命行在
戶部禮部議雜犯死罪納米一百石流罪減二十
石徒五等三年者七十石二年半至一年遞減十
石杖五等一百者二十石九十至六十遞減二石
笞五等五十者七石五斗四十者六石三十者四
石五斗二十者三石一十者減二十之半從之
行在中軍都督府奏太倉衛指揮徐整以運糧為

名減除軍糧一百一十石歸已當治其罪
上曰節百家之口以足一人之欲比與士卒同甘苦
者何如罪之不貸

乙未

陝西西寧衛禪師鑽古魯領占完卜捨刺藏卜等
來朝貢馬 山西道監察御史盧睿等^劾奏備禦
薊州太監劉通總兵官都督陳敬蒙蔽侵欺之罪
時錦衣衛指揮僉事王息歸自兀良哈以馳馬入
關通等與息交通匿馬七十四匹馳五頭不以聞
上曰小人不足深責但命法司封御史奏章示之使

之改過 鎮守山西都督僉事李謙奏山西所屬
緣邊關隘烟墩城堡相離闊遠今西緣黃河累有
警報殘虜多來歸附而守備不足遂勅總兵官武
安侯鄭亨以原調潞州等衛所官軍一千人還山
西操備 內官袁琦內使阮巨隊阮誥武莽武路
阮可陳友趙誰王貴楊四保陳海等伏誅初巨隊
等往廣東等處公幹而以採辦為名虐取軍民財
物事覺下錦衣衛獄究其所由皆琦指使於是籍
其家金銀以萬計寶貨錦綺諸物稱是又所用金
玉器皿僭侈非法皆四保與海為之法司議罪應

死

上命凌遲琦而斬巨隊等十人時內官裴可烈亦以貪暴下錦衣衛獄死

丙申

上諭右都御史顧佐等曰官者表琦以其自小隨侍頗稱使令陞太監管事輒敢恃恩縱肆欺罔假公務為名擅差內官內使往諸處凌虐官吏軍民逼取金銀等物動累萬計致吏民含冤無訴歸怨朝廷雖方面風憲之官皆畏憚之不敷以聞鬼神不容發露其事已悉寘極刑爾都察院揭榜曉諭中

外凡先所差內官內使在外侵佔官民田地及擅造房屋所在官司取勘明白原係官者還官軍民者還軍民中外官民人等有受內官內使寄頓財物許首免罪若匿不首事覺與犯者同罪自今內官內使出外敢仍前有犯令所在官司即具奏治以重罪知而不奏罪同若中外軍民人等有投託跟隨內官內使因而撥置害人者悉取死罪

上退朝御乾清宮諭太監王瑾吳誠等曰朕即位以來念內官內使隨侍勤勞恩待甚厚屢戒諭之令謹守法度勿^罹刑辟永享太平其間有能小心忠

謹朕待之加厚不意袁琦孤恩負德越礼犯分欺

瞞

朝廷受人囑託私遣內使出外假以幹辦虐害官吏
軍民百計索取金銀財物數以萬計下人啣冤歸
怨於上朕何由知

天地鬼神共怒事乃發露琦以伏誅此非朕款罪之
殺身之禍實其自取尔等其揭榜昭示內官內使
及小火者能守法事上不恃寵作威不害民取財
者鬼神佑之若違法越礼惟務貪虐鬼神不佑國
法不赦若先嘗有過後能改悔朕亦以無過而待

之

丁酉

賜亦思把罕等處貢使宴

己亥

臘節賜文武群臣宴

庚子

夜有流星大如鷄綈色青白尾跡有光起翼東南
行至庫樓

辛丑

賜亦思把罕等處使臣迷兒阿力等五十八人哈

密衛回回舍人哈三烏思藏怕木竹巴闡化王使
臣刺麻歲卜伯僧人星吉領占等福餘衛韃官所
鎮撫土木得兒等白金線帶紗羅緞絹金織襲衣
等物有差

壬寅

南京太僕寺卿趙次進卒次進浙江臨海縣人洪
武中自學官用薦陞常州府無錫縣丞以捕寇功
陞本縣知縣永樂初擢福建按察司僉事還為刑
部廣東司郎中陞廣東布政司右叅政改太僕卿
次進有士行所至以寬厚惠下年七十而卒

癸卯

朝鮮國王李禔遣陪臣李藏等貢馬及方物賀正
旦 旌表孝子李遇中順孫陳智及節婦陳氏烈
婦白氏等十四人遇中四川安岳縣人事二親至
孝親病朝夕侍側及卒廬墓寢苫枕塊徒跣三年
雖隆寒不改事聞旌其門曰孝行智河南太康縣
人幼喪父祖母戴母孟撫育之祖母病侍疾甚謹
及卒廬墓跣足垢面不茹葷飲酒事聞旌其門曰
孝順陳氏常州府武進縣袁範妻年二十喪夫子
終一歲守節不嫁家貧躬紡績以給衣食吳氏江

寧縣匠陸保妻年少喪夫二子皆幼守節育孤誓
不他適姚氏四川安岳縣民張保妻賈氏神策衛
總旗孫翔妻張氏江寧縣民周稱任妻李氏龍江
左衛小旗弓金長妻張氏神策衛卒溫討驢妻王
氏府軍右衛卒田二妻顧氏神策衛卒楊公孫妻
秦氏江寧縣匠陳阿福妻張氏府軍左衛卒潘理
妻薄氏府軍右衛卒蘓官福妻俱年少喪夫不嫁
撫孤子奉舅姑居貧治生守志不二事聞旌其門
曰貞節向氏靖州左衛卒陳均保妻均保卒自縊
以殉王氏靖州衛指揮王辰女許嫁指揮陶暹子

絃絃以疾卒王氏曰此身已許人義當同死亦自
縊死事聞保旌其門曰貞節向氏靖州左衛卒陳
均保妻均保卒自縊以殉王氏靖州衛指揮王辰
女許嫁指揮陶暹子絃絃以疾卒王氏曰此身已
許人義當同死亦自縊死事聞俱旌其門曰貞烈
直隸保定府雄縣奏本縣城南瓦橋及月槎三
橋俱當往來驛路近為雨潦所壞請如舊例令保
定府所屬州縣民備財協力修治從之 順天府
固安縣械繫所獲強盜張旺等三人至京未獲者
尚十一人旺隆慶右衛千戶餘皆武官家人

上命付行在都察院其未獲者令錦衣衛急捕召武
臣諭之曰國家優待武官皆有常祿死則祿及子
孫何至為強盜

太祖皇帝嘗言守俸如井泉井雖不滿日汲不竭強
盜雖一旦苟得然當殺身豈如守常祿可長久尔
等老成舊人當嚴戒飭子弟家僮使守法度若有
犯致罪毋謂朝廷少恩

甲辰

毛憐衛士官都督僉事撒滿答失里等遣女直指
揮僉事及羊加等來朝貢馬賜泰寧等衛都督

僉事脫火赤差來指揮同知孛羅等及奉使泰寧
衛指揮同知失令等九十七人鈔及絲帶表裏等
物有差禮部侍郎李^嘉子采自陳臣父老疾致
使^仕臣無以報效願為陵戶以供洒掃

上謂行在禮部曰朕念嘉老令致仕其子求為陵戶
得非慮有他役乎令有司復其家

乙巳

謫錦衣衛指揮僉事徐景璜及其弟千戶景瑜戍
隆慶衛初南京錦衣衛得繫囚之既逝者景璜與
指揮使張瑛徑械送北京守備襄城伯李隆以其

違例不聞白奏之

上遣內官李德齋勅命都察院賁景璜等罪狀俾戴罪還職景璜景瑜有悖慢語法司奏大不敬應斬上諭群臣曰朕念開國元勳之孫且

皇祖母族姪豈忍加重罪姑謫戍邊俾自懲庶幾保全之道蓋二人皆中山武寧王孫也

夜月食

丁未

賜陝西西寧衛禪師贖古魯領占完卜捨刺藏卜等兀者等衛來朝女直指揮僉事撒里乞納等鈔

綵幣表裏製衣等物有差 成國公朱勇新建伯

李玉同行在五軍都督六部尚書侍郎奏進所選

京衛軍官姓名先是行在兵部奏外衛多缺官

上命勇等選擇年力精壯才堪任事者調用至是以

聞

上曰所以命卿等公選者欲其能修飭武備撫馭士卒為國家^勳實用如選各公道始見卿等之能遂付兵部令依所擬調用

太子少保禮部尚書兼武英殿大學士金幼孜卒幼孜江西新淦人由進士擢給事中

太宗皇帝初臨御簡求文學之臣改翰林院檢討又簡寘內閣治密務教月陞侍讀

仁宗皇帝在東宮教以春秋進講令旨稱善纂十二公事作春秋要旨三卷以進永樂五年陞右春坊右諭德仍兼侍講

太宗皇帝巡狩北京及親征北虜皆預扈從與修

太宗高皇帝實錄及五經性理大全書陞翰林學士仍兼諭德實錄成賜金織襲衣鈔幣陞文淵閣大學士仍兼翰林院學士扈從北征道中兵疲

上以問群臣皆莫敢對幼孜獨請還師維忤旨不悔

仁宗皇帝嗣位進戶部右侍郎仍兼文淵閣大學士翰林院學士諭月陞太子少保兼武英殿大學士專典內制賜大臣五人銀圖書其文曰繩愆糾謬喻以政務或有關失密疏以聞用此識之幼孜與焉是年冬命持節冊封梁王及趙王妃洪熙元年命兼禮部尚書三俸俱支是時以法司論死罪多寬抑命與大學士三人同審錄幼孜其一也

上即位之初以內艱去及修

兩朝實錄起復為摠裁

命持節往寧夏冊封安化真寧二王妃所適詢兵民
休戚還奏

上嘉納之實錄成賜金織衣文綺白金鞍馬歲餘得
疾

上遣太醫院判日往視療竟不起

上聞嗟悼甚至遣禮部尚書胡濙賜祭贈榮祿大夫
少保謚文靖勅有司給驛舟歸其喪且治喪事勿
秋為人簡易沉默溫裕有容論事必正汎愛無所
忤其學該博文章和平寬厚類其為人不成善不
驚名其在朝廷論思獻納預有裨益眷遇雖隆而

自處益謙名其燕休之室曰退菴臨終家人屬求
恩澤於子正色曰君子所恥訖於清明一語不亂

年六十有四

戊申

增設行在羽林前衛中前中後中三軍千戶所初
御馬監養馬勇士及小廝三千一百餘人皆隸羽
林帶管名雖隸而身不隸且姓名多同凡支糧賞
奉衛莫能稽考行在兵部尚書許廓以聞

上命設三所以專統之 免直隸大名府魏因黃二
縣廣平府肥鄉廣平城安曲周四縣真定府新河

隆平二縣河間府獻縣徐州碭山豐沛三縣去年
水災田糧二萬六千四百一十四石穀草一十一
萬有奇

已酉

兵部武選司郎中呂爰正九年考最當陞尚書許
廓言兵部方清理軍賦貼黃爰正自主事陞郎中
前後二十餘年皆在武選貼黃皆其所掌又詳練
本司政務乞無陞擢出外

上謂行在吏部曰官不數易則能修其職可陞四品
祿令復任陞工部都水司郎中楊彬為雲南布

政司左叅議擢監生倪宗瑾徐傑高塔王驥陶鏞

姜豫劉智鄭禧為行在監察御史宗瑾傑雲南道

塔山東道驥陝西道鏞福建道豫江西道智湖廣

道禧山西道党恭李秉李昇為行在給事中恭秉

戶科昇工科陝西道御史陳銜貴州道御史黃振

親喪服闋命改銜河南道振復本道復劉釗鳳陽

府通判陞正五品祿實文莊陝西長安縣知縣陞

從六品祿安翔山西武鄉縣主簿陞從八品祿王

彥暉應天府上興埤巡檢陞正八品祿皆九年考

最當陞以其民奏乞留之故陞祿得復任調廣東

右叅政曹曾于陝西布政司以冗員故也黜監察御史林鳳儀為廣西且山縣知縣李鑑為山東黃縣知縣以才不勝任也 宥掌中都留守司都督陳恭死罪發戍遼東恭在中都盜移

圓丘

方丘

皇陵牆外樹植于私家盜取舊內千步廊材造樓居又擅役軍士平

皇陵前馬鞍山頂又盜用官水及強取所部女子為妾婢剋減軍士口糧二千餘石強占軍士田地十

餘頃歲收軍民耕種收米^麥三千餘石因公歛軍士白金乾沒者二百餘兩占軍士六百八十餘人匠七十餘人更番私役總旗揚榮者嘗告恭不法恭補禁毆殺之虛飾文案言榮罪而取其貲財事覺

上曰人言大臣必審察得實乃可處置遂遣御史焦宏察之宏還奏皆實逮恭至京命公侯伯都督尚書三法司掌科給事中掌道御史同鞫悉引伏

上^以恭罪至重法不可宥但念其父在

皇祖靖難時多忠^姑効力恭亦從征有勞^姑宥死杖一

百成逾東邊衛仍籍其家

庚戌

建州左衛女直指揮同知佟塔察兒陝西岷州衛
刺麻官著星吉及烏思藏刺麻沙郎捨嚴等來朝
貢馬 賜朝鮮國朝貢使臣李歲等宴 增置北
京及通州倉命成国公朱勇撥軍士用功豐城侯
李賢董其役 遣監察御史往寧夏甘州巡視屯
田水利初行在工部侍郎羅汝敬言寧夏甘州諸
衛屯種全資水利多為官豪侵占農家不得灌溉
兼屯軍及餘丁常有公私差遣妨其農功子粒無

徵請增除六部都察院堂上官二員專一往來巡
視庶革其弊至是

上命都御史顧佐選御史二員往理其事

上進而諭之曰邊軍屯田最為切要爾往必潔已奉

公毋為勢要所脅 降工部主事謝孚廣東連山

縣典吏孚初以淫穢得罪至是行在吏部言孚已

罰役例當對品改除

上曰田野民無行人猶絕之此人尚可依品授官乎

遂降典吏 行在禮部奏工部右侍郎周忱父辛

例應賜祭忱今奉命巡撫蘇松都諸郡亦應守刑宜

有代者

上曰祭如例忱所任重務其令馳駟葬畢起復視事

辛亥

命故府軍後衛指揮同知段洪弟漢旗手衛指揮僉事于勇子能毅戕府軍衛指揮僉事王斌老疾命其子俊代之

壬子

陝西岷州衛刺麻高僧鎖南鑽竹等來貢馬

行在大理寺奏營州左屯衛百戶范英往金華等府內軍得六十六人回至通州受銀幣等物皆縱

遣之於律應絞近例罰役還職

上曰軍民惟恐軍伍不實賣軍得不死倖矣若還更

職人何所懲發赤城充軍所賣之軍悉追逮罪之

南京光祿寺少卿李炯寺丞陶琛有罪罰役復

職炯等坐不嚴督屬官直宿至厨子縱火焚米倉

又妄以失火奏法司論炯琛罪應徒以息例罰役

至是復職

癸丑

夜有流星大如鷄彈色青白有光起天鈞以行至

濁

甲寅

雲南順寧府故土官知府猛英弟蓋千夫長阿里
姪阿和等未朝貢馬 調行在羽林左衛指揮使
劉全任行在府軍右衛指揮同知孫勝任旗手衛
金吾右衛指揮同知胡亮往彭城衛羽林前衛指
揮僉事仇英任羽林左衛忠義中衛指揮僉事扈
貴任燕山右衛金吾左衛指揮僉事仲福任永清
左衛遵化衛指揮僉事于興任大興中衛燕山右
衛指揮李興任羽林右衛金吾右衛指揮僉事朱
俊留守右衛指揮僉事高昇俱任在金吾後衛安

東衛指揮僉事楊忠任濟南衛薊州衛指揮僉事
陳欽任濟州衛玉林衛指揮僉事傅通任燕山中
衛

命故行在府軍後衛指揮僉事邵善子通嚴職

乙卯

鎮守甘肅總兵官都督劉廣奏沙州衛都督因即
未遣人來告饑具悞罕東西番乘虛侵之乞城其
地以為固

上曰彼居沙州畜牧可以自給若能睦隣保境豈有
外虞今不務此乃欲勞費中國乎遂勅廣等公撫

其使人以婦且諭以邊境士馬衆多今秋成亦薄
僅足自給所欲築城待年豐議之

丙辰

立春順天府官進春

上御正朝受之文武羣臣行賀禮遂賜宴

庚申

歲暮享

太廟

以明日正旦遣衛王瞻埏謁

長陵

獻陵

遣官祭五祀及旗纛之神免湖廣長沙縣復縣

人民一千六百七十戶所欠永樂二十一年二十

二年稅糧四萬一十八石一斗絹三百三十三匹

有奇山西汾州平遙縣奏今年春夏不雨至秋早

霜田穀無收民皆乏食

上命行在戶部議賑之工部辦事吏朱士美言徵

州府織染局歲在絲段以所屬六縣工匠有三五

丁七八丁多至十餘丁者止一丁赴局其餘亦不

輪班而每歲食點縣民十一人為堂長典絲出納

又僉歛休寧二縣民四百餘人絡絲工匠餘丁苟
免徭役堂長出納之際為弊尤甚有司官文緣是
為奸民受其害無所告訴乞行巡按監察御史從
公覆勘如應天府例以匠戶丁多者為堂長餘丁
絡絲庶使其民

上從之命行在工部即為勘實處治有司官吏作弊
者皆治以罪 是歲天下戶口戶九百七十萬五千
三百九十七口五千五十六萬五千二百五十九
田地四百一十八萬四百六十二頃四十一畝田
賦米^麥三千三十萬三百一十五石有奇絲一十

七萬八千六百六十二斤綿二十二萬一千七百
一十八斤絹九萬四千二十七匹布^麥十二萬九
千七百五十四疋綿花二十四萬二千四百八十
二斤折色鈔七萬六千九百六十二錠有奇雜課
鈔四千三十三萬五千六百九十五錠米^麥六萬
三千一百三十九石有奇銀五千四百四十四兩
銅二千一百三十二斤鐵四十九萬八百九十八
斤布二百七十六匹藍課鹽五百四十九萬八千
八百二十八引有奇折色鈔二千四百五十三萬
三千一百七錠米六十五萬八千三百三十八石

錦布六萬九千三百七十三錠有奇茶課茶六十
一萬一千七十二斤折色鈔一萬五千一百一十
錠屯田子粒九百三十六萬六千四百二十石採
納金三百四十四兩銀三十萬五千四百五十九
兩水銀五千七十五斤硃砂九百二斤石礮三千
二十七斤雄黃二百一十七斤漕運北京米麥豆
五百四十八萬八千八百石有奇減免天下官田
等項稅糧計米麥六萬五千九十一石絲一百七
十三斤有奇

